

Al cestèe

Cunt la pasiensa de San Giob, l' è un vera tradision,
per la sua atività, ghè bisugna la pasiensa e tant temp.
In invernù, al recupera al material, per pudè pelàl,
fàl sugà, e incumencià la lavurasion, per al mutiff
de vèss un ricordu dela civiltà paisana, quasi
cumpletament sparì di noster cà, ma restan cumè
ugètt urnamentaj.....al cestèe, l' era menga un veru mistee,
ma sulament quel che serviva ala bisugna....
un curtèl, un puntiroeu, e un fulcètt....
ginocc piegà, scena corva, pusision scomuda,
per incumencià intresà, verghi de nisciola,
e stech de abet ross, spach strufina cunt cera de aff.
Prima al costruès la struttura, dopu, l' intrechia i stech,
abilità di paisaa nel' ambient famigliar,
Sa pudiva trual anca in di feri de paess,
cunt la bicilèta sifulenta, piee de cesti
per ciapà quater ghei, in cal casu che,
l' era anca diventada una tradision de belèsa,
cesten, panier, canester....realisà in giunch,
vimini e cana, alura eran di veri capolavur,
una belèsa de vision cunt l' intrecc de vari culuu.
Cesten di vari dimension, canester de propursion picinen,
cesten stenc e prufunt, fasevan bèla mostra in espusion.
Ga nera de tocc i qualità e cunfurmasion, quadrà,
bislunch e piàtt, per tocc i ucasion.....
incoeu in sparì, la mudernansa la fa spare
i belesi fa cunt i mà....ma preferisi
i cesten, inteecià cunt i stech e i verghi de nisciola.

3-11-2017